



**JAVNA USTANOVA ZA PREDŠKOLSKI ODGOJ I OBRAZOVANJE**  
**„NAŠE DIJETE“ TUZLA**  
**KREČANSKA BROJ 3, 75000 TUZLA**  
**ID BROJ: 4209046740000      CENTRALA/FAX: +38735369920**  
**n-dijete@bih.net.ba      www.nasedijete.ba**

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 38. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla br. 844/2015, a na prijedlog Komisije za javne nabavke, direktor Ustanove donio je sljedeću

## **ODLUKU**

### **o izboru najpovoljnijeg ponuđača**

**I**

Kao najpovoljniji ponuđač za nabavku namještaja za dječije vrtiće za potrebe JU „Naše dijete“ Tuzla bira se „Kraning“ d.o.o.

**II**

Zadužuje se stručni saradnik za poslove javnih nabavki da obavijesti sve ponuđače o izboru najpovoljnije ponude iz člana I ove odluke.

**III**

Zadužuje se Rukovodilac službe za pravne, kadrovske i opće poslove da pripremi sve predušlove za zaključenje ugovora sa izabranim ponuđačem po proteku predviđenih zakonskih rokova i procedura.

**IV**

Vrijednost ove nabavke iznosi 19.879,18 KM bez PDV-a i ista se uklapa u Plan nabavki za 2018. broj 1182/2018, red. br. 23 - robe, šifra JRJN 39161000-8 – namještaj za dječije vrtiće.

**V**

Odluka stupa na snagu danom donošenja.

### **OBRAZLOŽENJE**

Na osnovu Zahtjeva za pokretanje postupka javne nabavke br. 6980/2018, direktor Ustanove je donio Odluku o pokretanju nabavke namještaja za dječije vrtiće (LOT 1) br. 7034/2018 od 28.12.2018. godine. Postupak je objavljen na Portalu javnih nabavki BiH broj 1194-7-1-57-3-22/18 od 28.12.2018. godine. Predmetnu tendersku dokumentaciju u sistemu „E-nabavke“ preuzelo je 20 (dvadeset) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 91/2019 od 07.01.2018., konstatovala je da je blagovremeno ponudu predalo 2 (dva) ponuđača: „INTER-COM“ d.o.o. Zenica – broj protokola 01-181/2019-4 i „Kraning“ d.o.o. - broj protokola 01-183/2019-5 i da obje pristigle ponude ispunjavaju sve uslove zahtijevane tenderskom dokumentacijom i iste su ocijenjene kao prihvatljive. Ponuda ponuđača „INTER-COM“ d.o.o. Zenica je iznosila 21.330,00 KM bez uračunatog PDV-a, a ponuda ponuđača „Kraning“ d.o.o. 19.879,18 KM bez PDV-a sa uračunatim popustom.



**JAVNA USTANOVA ZA PREDŠKOLSKI ODGOJ I OBRAZOVANJE**

**„NAŠE DIJETE“ TUZLA**

**KREČANSKA BROJ 3, 75000 TUZLA**

**ID BROJ: 4209046740000**

**CENTRALA/FAX: +38735369920**

**n-dijete@bih.net.ba www.nasedijete.ba**

Imajući u vidu navedeno, Komisija za provođenje postupka javnih nabavki je dostavila direktoru Ustanove prijedlog da se ugovor o predmetnoj nabavci zaključi sa ponuđačem „Kraning“ d.o.o. po proteku zakonskih rokova, u skladu sa članom 69. stav (1) tačka a) ZJNBiH („Službeni glasnik BiH“ broj 39/14).

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, u skladu sa kriterijem najniže cijene zadovoljavajuće ponude, ugovorni organ je konstatovao da najpovoljniji ponuđač ispunjava uslove, te je iz tih razloga odlučeno kao u dispozitivu. Sastavni dio ove odluke je i zapisnik o pregledu i ocjeni ponuda.

**Pouka o pravnom lijeku:**

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

**DOSTAVLJENO:**

1. Ponuđačima
2. Spis
3. A/a



**DIREKTOR**

*Sanja Karić*  
**/ Karić Sanja, dipl. iur /**

Broj: *429* /2019  
Tuzla, 24.01.2019.

*J. Karić*